

FAKULTET ISLAMSKIH NAUKA  
UNIVERZITETA U SARAJEVU  
VIJEĆE

Broj: 03-03- 4. Elek. sjed.- 302/23  
Datum: 10.03.2023. god.

Na osnovu člana 5. i 6. Poslovnika o radu Nastavno-naučnog vijeća Fakulteta islamskih nauka u Sarajevu

**S A Z I V A M**

**4. Elektronsku sjednicu Vijeća Fakulteta islamskih nauka Univerziteta u Sarajevu koja će se održati 13. marta 2023. godine (ponedjeljak)**

**PERIOD IZJAŠNJAVANJA OD 09:00 DO 12:00 SATI**

Za sjednicu predlažem sljedeći

DNEVNI RED:

**1. Razmatranje Nacrta Statuta Univerziteta u Sarajevu.**

Molimo vas da se **putem e-maila u ponedjeljak 13. 03. 2023. godine u periodu od 09:00 do 12:00 sati**, izjasnite sa „za“, „protiv“ ili „suzdržan“ o prijedlogu Dnevnog reda, kao i da se sa „za“, ili „protiv“ izjasnite o prijedlogu odluka koje vam dostavljamo u prilogu sa pratećim materijalom.

DEKAN:  
Prof. dr. Zuhdija Hasanović, s.r.

Dostavljen:  
1x Članovi Vijeća  
1x Uz zapisnik



Broj: 03-03-4. elek. sjed.- 308/22  
Datum 13.03.2022. god.

13.03.2022  
MF

Na osnovu člana 69. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22) i člana 104. stav 2. Statuta Univerziteta u Sarajevu, a Shodno zaključku broj: 01-5-2/23 sa 55. redovne sjednice Senata Univerziteta u Sarajevu održane 22. 02. 2023. godine kojim je utvrđen Nacrt Statuta Univerziteta u Sarajevu, Vijeće Fakulteta je na 4. elektronaskoj sjednici održanoj 13.03.2023. godine, donijelo

### O D L U K U

Vijeće Fakulteta usvaja prijedloge i primjedbe sa komentarima na Nacrt Statuta Univerziteta u Sarajevu i isto se upućuje Senatu Univerziteta na daljni postupak.

Sastavni dio odluke je **obrazac za dostavu prijedloga, primjedbi, komentara na dostavljeni dokument**.

### O b r a z l o ž e n j e

Shodno zaključku broj: 01-5-2/23 sa 55. redovne sjednice Senata Univerziteta u Sarajevu održane 22.02.2023. godine kojim je utvrđen Nacrt Statuta, isti je dostavljen organizacionim jedinicama sa rokom javne rasprave od 20 (dvadeset) dana. Vijeće Fakulteta usvojilo je prijedloge i primjedbe sa komentarima na Nacrt Statutas Univerziteta u Sarajevu. S obzirom na navedeno, donosi se odluka kao u dispozitivu.

DEKAN:  
Prof. dr. Zuhdija Hasanović

Dostavljeno:  
1x Senat  
 Uz zapisnik  
1x a/a.

**UPUTSTVO  
ZA POPUNJAVANJE OBRASCA  
ZA DOSTAVU PRIJEDLOGA, PRIMJEDBI, KOMENTARA  
NA DOSTAVLJENI DOKUMENT**

<i>Naziv članice koja daje prijedloge/primjedbe/komentare</i>	<b>Fakultet islamskih nauka Univerziteta u Sarajevu</b>	
<i>Naziv akta na koji se odnose prijedlozi/primjedbe/komentari</i>	<i>Statut Univerziteta u Sarajevu (Nacrt) (2023.)</i>	
<i>Opća zapažanja</i>		
<i>Pojedinačni komentari</i>		
<i>Član 26./stav (2):</i>	<i>Komentar</i>	U članu 26./stavu (2) nisu navedene pojedine specifičnosti teoloških fakulteta, u skladu s principom vjerske autonomije, odn. Zakonom o slobodi vjere i pravnom položaju crkava i vjerskih zajednica u BiH).  Predlažemo također da se doda stav (4) o donošenju pravila/statuta teoloških fakulteta.
	<i>Obrazloženje</i>	Smatramo da je potrebno dopuniti tekst još nekim specifičnostima teoloških fakulteta, koje su predviđene zaključenim ugovorima između osnivača teoloških fakulteta i Vlade Kantona Sarajevo (upravljačka prava osnivača, usvajanje nastavnih planova i programa) ili su predviđene prijedlogom aneksa ugovora (pravo teoloških fakulteta da vrše ne samo akademsko, nego i stručno priznavanje inostranih visokoškolskih kvalifikacija, s obzirom da je ono značajno za zapošljavanje u okviru crkava i vjerskih zajednica, a u skladu sa Zakonom o slobodi vjere i pravnom položaju crkava i vjerskih zajednica u BiH).
	<i>Prijedlog izmjene teksta:</i>	(2) Teološki fakulteti za koje je utvrđen status punopravne članice Univerziteta, nastavljaju djelovati u sastavu Univerziteta u Sarajevu u skladu sa zakonom i posebnim ugovorom, pri tome vodeći računa o specifičnostima teoloških fakulteta u pogledu osnivačnih i upravljačkih prava, izbora u akademska zvanja, usvajanja nastavnih planova i

		<p>programa, izbora tijela fakulteta, priznavanja inostranih visokoškolskih kvalifikacija, vlasničkih odnosa, sufinansiranja i drugih relevantnih pitanja.</p> <p><b>(3) Teološki fakulteti usvojiti će vlastita pravila/statut, usklađen sa zakonom, propisima osnivača tih fakulteta i propisima Univerziteta.</b></p>
<b>Član 75. stav (6)</b>	<b>Komentar</b>	Odredba prema kojoj rektor, prilikom predlaganja osoba za prorektore „mora voditi računa“ o etničkoj zastupljenosti kandidata s pojedinih članica Univerziteta neopravdano uvodi obaveznu akomodaciju etničke reprezentativnosti u obrazovni sistem. Zakon o visokom obrazovanju KS već sadrži odredbe kojima se štite individualna ljudska prava i građanske slobode, te zabranjuje diskriminacija u djelatnosti Univerziteta, uključujući i diskriminaciju po osnovu etničke pripadnosti.
	<b>Obrazloženje</b>	Članom 8. Zakona o visokom obrazovanju KS među principima visokog obrazovanja navodi se zabrana diskriminacije, poštovanje ljudskih prava i uvažavanje građanskih sloboda. Nadalje, članom 14. Zakona o visokom obrazovanju KS (2022.) svakako je propisana ravnopravnost i zabranjena diskriminacija po osnovu etničke pripadnosti u obavljanju djelatnosti Univerziteta.
	<b>Prijedlog izmjene teksta:</b>	Prorektore bira i razrješava Senat na prijedlog rektora. Prilikom predlaganja prorektora, rektor vodi računa o principima ravnopravnosti i zabrane diskriminacije.

<b>Član 122./ stav (2) i stav (3)</b>	<b>Komentar</b>	Neophodno je dopuniti odredbu nadležnošću sekretara da rukovodi administrativno-pravnim i drugim stručnim poslovima službi članice.
	<b>Obrazloženje</b>	Spomenuta nadležnost sekretara veće je prepoznata kroz pravilnike o unutrašnjoj organizaciji i sistematizaciji radnih mjesta na članicama.
	<b>Prijedlog izmjene teksta:</b>	(2) Sekretar rukovodi administrativno-pravnim i drugim stručnim poslovima službi članice, koordinira rad i upravlja realizacijom poslova i zadataka stručnih službi članice, a za svoj rad odgovara dekanu/direktoru, a u slučaju odsustva dekana ovlaštenom prodekanu.
<b>Član 249.</b>	<b>Komentar</b>	Potrebno je uskladiti odredbu sa Zakonom o visokom obrazovanju KS.
	<b>Obrazloženje</b>	Vidjeti član 126. tačka e) Zakona.
	<b>Prijedlog izmjene teksta:</b>	Dekan/direktor članice obavezan je izvještaj sa prijedlogom komisije za izbor u zvanje uvrstiti u dnevni red sjednice vijeća članice u roku od 30 dana od dana imenovanja komisije za pripremanje prijedloga za izbor, te ga objaviti na internet stranici članice sedam dana prije datuma održavanje sjednice vijeća na kojoj se glasa o prijedlogu komisije.
<b>Član 250./stav (1) i (2)</b>	<b>Komentar</b>	Predlažemo preformulaciju člana 250.
	<b>Obrazloženje</b>	Odluka vijeća članice o neizboru (tj. kada vijeće ne utvrdi pozitivan prijedlog odluke o izboru) nije konačna, budući da o istome nakon vijeća odlučuje Senat Univerziteta.
	<b>Prijedlog izmjene teksta:</b>	(1) Vijeće glasanjem utvrđuje pozitivan ili negativan prijedlog odluke o izboru i dostavlja ga Senatu na odlučivanje.  (2) Odluka Senata kojom se usvaja pozitivan ili negativan prijedlog odluke o izboru je konačna i protiv nje se može pokrenuti spor pred nadležnim sudom u Sarajevu u roku od 30 dana od dana prijema odluke.
<b>Član 277./ stav (2)</b>	<b>Komentar</b>	Smatramo neophodnim da se uvaži autonomija teoloških fakulteta u pogledu

		prava na stručno priznavanje inostranih visokoškolskih kvalifikacija.
	<i>Obrazloženje</i>	Stručno priznavanje inostranih visokoškolskih kvalifikacija važno je za reguliranje zaposlenja vjerskih službenika, u skladu s principom vjerske autonomije priznatim Zakonom o slobodi vjere i pravnom položaju crkava i vjerskih zajednica u BiH.
	<i>Prijedlog izmjene teksta:</i>	Priznavanje inostrane visokoškolske kvalifikacije vrši se na način i pod uvjetima utvrđenim zakonom i Pravilnikom o priznavanju inostranih visokoškolskih kvalifikacija, koji donosi Senat Univerziteta, uz uvažavanje autonomije teoloških fakulteta u pogledu prava na stručno priznavanje tih kvalifikacija.

U koloni **Opća zapažanja** molimo upišite vaša zapažanja vezano za materijal koji se nalazi u procesu donošenja na koji dajete prijedloge/primjedbe/ komentare.

U koloni **Pojedinačni komentari** molimo upišite na koji konkretno dio (član) se komentari odnose. U okviru toga molimo da date komentar, obrazloženje, odnosno razlog zbog čega smatrate da ponuđeno rješenje nije odgovarajuće. **Također, molimo da u okviru prijedloga izmjene/dopune ponudite tekst onako kako smatrate da treba glasiti.**

**- SENAT -**

Broj: 01-5-2/23

Sarajevo, 22. 02. 2023. godine

Na osnovu člana 61, a u vezi sa članom 56. Zakona o visokom obrazovanju („Službene novine Kantona Sarajevo“, broj 36/22) i člana 59. Statuta Univerziteta u Sarajevu, Senat Univerziteta u Sarajevu je na 55. redovnoj sjednici održanoj 22. 02. 2023. godine, donio slijedeći

**Z A K L J U Č A K**

1. **Utvrđuje se** Nacrt Statuta Univerziteta u Sarajevu i upućuje se članicama Univerziteta u Sarajevu i Sindikatu Univerziteta u Sarajevu u javnu raspravu.
2. Javna rasprava trajat će 20 (dvadeset) dana od dana dostavljanja ovog zaključka.
3. Ovlašćuje se Komisija za usklađivanje Statuta Univerziteta u Sarajevu sa Zakonom o visokom obrazovanju imenovana Odlukom Senata Univerziteta u Sarajevu, broj: 01-13-109/22 od 28. 09. 2022. godine, sa pripadajućom dopunom broj: 01-21-64/22 od 21. 12. 2022. godine, da nakon okončane javne rasprave na osnovu dostavljenih amandmana sačini tekst Statuta Univerziteta u Sarajevu sa obrazloženjem, te isti putem rektora Univerziteta u Sarajevu, dostavi Upravnom odboru Univerziteta u Sarajevu na davanje prethodnog mišljenja.
4. Po okončanju radnji iz tačke 3. ovog zaključka, Statut Univerziteta u Sarajevu sa mišljenjem Upravnog odbora Univerziteta u Sarajevu se dostavlja Senatu Univerziteta u Sarajevu, radi utvrđivanja prijedloga.

**R E K T O R**  
Prof. dr. Rifat Škrijelj

Dostavljeno:

- Članicama Univerziteta u Sarajevu  
 Sindikatu Univerziteta u Sarajevu  
- Upravnom odboru Univerziteta u Sarajevu  
- U dokumentaciju Senata  
- Arhivi

Univerzitet u Sarajevu – Obala Kulina bana 7/I, 71000 Sarajevo – Bosna i Hercegovina

Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>email: [javnost@unsa.ba](mailto:javnost@unsa.ba)